

socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 16/02, 8/03 i 2/06), Skupština Kantona Sarajevo je, na sjednici od 1. septembra 2006. godine, donijela

## ODLUKU

### O OSNIVANJU KANTONALNE JAVNE USTANOVE "PORODIČNO SAVJETOVALIŠTE"

#### Član 1.

(Osnivač i status ustanove)

(1) Kanton Sarajevo (u daljnjem tekstu: Osnivač) osniva Kantonalnu javnu ustanovu "Porodično savjetovalište" (u daljnjem tekstu: Savjetovalište).

(2) Savjetovalište ima svojstvo pravnog lica, koje stiče upisom u sudski registar kod Kantonalnog suda u Sarajevu.

#### Član 2.

(Naziv i sjedište ustanove)

(1) Naziv ustanove je: Kantonalna javna ustanova "Porodično savjetovalište".

(2) Sjedište Savjetovališta je u Sarajevu, ulica Avdage Šahinagića broj 14/II.

#### Član 3.

(Djelatnost i organizacione jedinice)

(1) Djelatnost Savjetovališta je:

- porodično savjetovanje i tretman,
- grupno savjetovanje i tretman,
- individualno savjetovanje i tretman,
- naučnoistraživačko proučavanje pojava i problema iz oblasti socijalne zaštite,
- publikovanje rezultata tih istraživanja, kao i drugih popularnih publikacija (priručnika, brošura, informativno-propagandnih materijala).

(2) Ove djelatnosti su u funkcijama:

- sprečavanja nastanka i suzbijanja sociopsiholoških problema i poteškoća,
- harmoniziranja porodičnih i bračnih odnosa,
- sticanja pozitivnih navika i formiranja pravilnih životnih stavova i uvjerenja kod djece i mladih,
- educiranja građana i profesionalaca iz oblasti socijalne i dječije zaštite,
- stručne i profesionalne pomoći institucijama, ustanovama i organizacijama u skladu sa njihovim potrebama.

(3) Savjetovalište će obavljati i poslove propisane drugim zakonima i odlukama osnivača.

(4) Organizacione jedinice Porodičnog savjetovališta nemaju svojstvo pravnog lica.

#### Član 4.

(Šifra djelatnosti)

(1) Šifra djelatnosti Porodičnog savjetovališta određena je prema Odluci o standardnoj klasifikaciji djelatnosti ("Službene novine Federacije BiH", broj 28/98, 36/98 i 47/98) i glasi:

(2) 85.323 Ostale djelatnosti socijalne zaštite, bez smještaja

#### Član 5.

(Način promjene djelatnosti)

Savjetovalište može proširiti ili promijeniti djelatnost iz člana 4. ove Odluke, o čemu odluku donosi Osnivač.

#### Član 6.

(Sredstva za osnivanje i odgovornosti u pravnom prometu)

Osnivački ulog iz Budžeta Kantona Sarajevo iznosi 1.000.000,00 KM.

#### Član 7.

(Izvori i način obezbjeđivanja sredstava)

(1) Sredstva za rad Savjetovališta obezbjeđuju se iz:

- Budžeta Kantona Sarajevo,
- osnovnih ostvarenih prihoda od djelatnosti Savjetovališta,
- donacija,
- drugih izvora, u skladu sa zakonom.

#### Član 8.

(Način raspolaganja sredstvima)

Savjetovalište raspolaže sredstvima u skladu sa Zakonom o izvršavanju Budžeta Kantona Sarajevo.

#### Član 9.

(Odgovornost i obaveze ustanove prema Osnivaču)

(1) Savjetovalište je odgovorno Osnivaču za rezultate svog rada i djelovanja u svim oblastima za koje je nadležno.

(2) Obaveze Savjetovališta prema Osnivaču su da:

- pribavi saglasnost Osnivača kod svih statusnih promjena (promjena naziva, sjedišta, djelatnosti i drugih promjena utvrđenih zakonom),
- jedanput godišnje Osnivaču podnosi izvještaj o poslovanju,
- druge obaveze utvrđene zakonom.

#### Član 10.

(Organ upravljanja i način imenovanja)

(1) Organ upravljanja u Savjetovalištu je Upravni odbor.

(2) Predsjednika i članove Upravnog odbora imenuje i razrješava Vlada Kantona Sarajevo u skladu sa zakonom i podzakonskim aktima.

(3) Upravni odbor se sastoji od pet članova od kojih se, u pravilu, jedan član imenuje iz reda stručnih zaposlenika ustanove.

(4) Predsjednik i članovi Upravnog odbora imenuju se na period od četiri godine i mogu biti ponovo imenovani.

(5) Direktor ustanove ne može biti član Upravnog odbora.

#### Član 11.

(Način razrješavanja organa upravljanja)

Vlada Kantona Sarajevo može razriješiti predsjednika i članove Upravnog odbora i prije vremena na koje su imenovani u skladu sa zakonom.

#### Član 12.

(Usklađivanje općih akata)

Upravni odbor je obavezan da u roku od 30 dana od dana stupanja na snagu ove Odluke uskladi opće akte ustanove sa odredbama ove Odluke, zakonom i podzakonskim aktima.

#### Član 13.

(Saglasnosti na akte)

Saglasnost na osnovni opći akt Pravila, kao i opći akt kojima se uređuju plaće, organizacija rada, druga važna pitanja između zaposlenika i poslodavca, kao i organizacija i sistematizacija poslova Savjetovališta daje Ministarstvo za rad, socijalnu politiku, raseljena lica i izbjeglice Kantona Sarajevo.

#### Član 14.

(Organ rukovođenja i način imenovanja)

(1) Organ rukovođenja u Savjetovalištu je direktor.

(2) Direktora imenuje Upravni odbor na osnovu javnog konkursa, uz saglasnost Vlade Kantona Sarajevo.

(3) Uslovi za imenovanje direktora utvrđuju se u Pravilima ustanove u skladu sa zakonom.

#### Član 15.

(Vršilac dužnosti direktora)

(1) U periodu do imenovanja direktora, poslove predstavljanja i zastupanja Savjetovališta će obavljati vršilac dužnosti direktora, kojeg imenuje Upravni odbor.

(2) Vršilac dužnosti direktora ima sva prava i dužnosti koje po zakonu ima direktor.

(3) Vršilac dužnosti direktora može rukovoditi Savjetovalištem do imenovanja direktora, a najduže 6 mjeseci od dana njegovog imenovanja.

(4) Upravni odbor je dužan imenovati direktora u roku od 60 dana od dana imenovanja Upravnog odbora.

Član 16.

(Organ kontrole poslovanja i način imenovanja)

(1) Organ kontrole poslovanja Savjetovališta je Nadzorni odbor koji se sastoji od tri člana.

(2) Predsjednika i članove Nadzornog odbora imenuje i razrješava Vlada Kantona Sarajevo, u skladu sa važećim zakonskim propisima.

(3) Jedan član Nadzornog odbora se imenuje, u pravilu, iz reda stručnih zaposlenika ustanove.

Član 17.

(Nadzor nad radom ustanove)

Nadzor nad zakonitošću rada Savjetovališta vrši Ministarstvo za rad, socijalnu politiku, raseljena lica i izbjeglice Kantona Sarajevo.

Član 18.

(Upis u sudski registar)

Na osnovu ove Odluke izvršit će se, na zahtjev ovlaštenog lica, promjena upisa ustanove u sudski registar.

Član 19.

(Prelazna odredba)

(1) Organ rukovođenja, upravljanja i nadzora i lica izabrana u te organe nastavljaju sa radom do isteka vremena na koje su imenovani.

(2) Savjetovalište nastavlja sa radom po odredbama ove Odluke i preuzima zaposlenike koji nastavljaju sa statusom koji su do sada imali, sredstva, opremu, arhivu i dokumentaciju, sredstva za rad, finansijska prava i obaveze ove ustanove.

Član 20.

(Završna odredba)

Stupanjem na snagu ove Odluke prestaje da važi Odluka o osnivanju javne ustanove "Porodično savjetovalište" Sarajevo ("Službene novine Kantona Sarajevo", broj 7/01).

Član 21.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

|                           |                            |
|---------------------------|----------------------------|
| Broj 01-05-25659/06       | Predsjedavajuća            |
| 1. septembra 2006. godine | Skupštine Kantona Sarajevo |
| Sarajevo                  | <b>Meliha Alić, s. r.</b>  |

Na osnovu člana 12. stav 1. tačka j), 13. stav 1. tačka e.) i 18. stav 1. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), članova 3. i 6. Zakona o ustanovama ("Službeni list RBiH", broj 6/92, 8/93 i 13/94) i članova 71. i 80. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 16/02, 8/03 i 2/06), Skupština Kantona Sarajevo je, na sjednici od 1. septembra 2006. godine, donijela

## ODLUKU

### O OSNIVANJU JAVNE USTANOVE "KANTONALNI CENTAR ZA SOCIJALNI RAD"

Član 1.

(Osnivač i status ustanove)

(1) Kanton Sarajevo (u daljnjem tekstu: Osnivač) osniva Javnu ustanovu "Kantonalni centar za socijalni rad" (u daljnjem tekstu: Kantonalni centar).

(2) Kantonalni centar ima svojstvo pravnog lica, koje stiče upisom u sudski registar kod Kantonalnog suda u Sarajevu.

Član 2.

(Naziv i sjedište ustanove)

(1) Naziv ustanove je: Javna ustanova "Kantonalni centar za socijalni rad".

(2) Sjedište Kantonalnog centra je u Sarajevu, ulica Azize Šaćirbegović broj 2.

Član 3.

(Djelatnost i organizacione jedinice)

(1) Djelatnost Kantonalnog centra je:

- otkrivanje, praćenje i proučavanje problema iz oblasti socijalne zaštite,
- objedinjavanje rada službi,
- usaglašavanje metoda i kriterija rada,
- neposredno organiziranje socijalne zaštite,
- primjena mjera i propisa iz oblasti socijalne zaštite,
- izrada jedinstvenog programa i izvještaja rada za potrebe Kantona,
- podsticanje i organiziranje aktivnosti od preventivnog značaja za oblast socijalne zaštite,
- neposredno pružanje usluga socijalnog rada,
- rješavanje u prvom stepenu zahtjeva za ostvarivanje prava u okviru nadležnosti,
- obavljanje poslova u oblasti porodične zaštite, zaštite odgojno zanemarene djece, te učestvovanje u izvršavanju odgojnih mjera i mjera zaštitnog nadzora,
- obavljanje poslova organa starateljstva utvrđene Porodičnim zakonom, drugim zakonima i propisima,
- obavljanje savjetodavnog rada,
- saradnja sa građanima, mjesnim zajednicama, državnim organima i ustanovama, udruženjima, pravosudnim organima, policijskim upravama i drugim organima koji mogu doprinijeti unapređivanju kvaliteta socijalnog rada i socijalne zaštite,
- podsticanje dobrovoljnog rada, dobrotvornih i drugih djelatnosti,
- vođenje propisane evidencije, izdavanje uvjerenja i drugih potvrda,
- prikupljanje dokumentacije o korisnicima socijalne zaštite,
- dostavljanje podataka Ministarstvu za rad, socijalnu politiku, raseljena lica i izbjeglice Kantona Sarajevo,
- obavljanje i drugih poslova utvrđenih Zakonom o socijalnoj zaštiti, zaštiti civilnih žrtava rata i zaštiti porodice sa djecom i opštim aktima ustanove.

(2) Djelatnost iz stava (1) ovog člana Kantonalni centar obavlja putem službi socijalne zaštite kao svojih unutrašnjih organizacionih jedinica.

(3) Organizacione jedinice Kantonalnog centra nemaju svojstvo pravnog lica.

(4) Kantonalni centar je višefunkcionalna ustanova socijalne zaštite, organizirana kao centralna institucija, otvorena za saradnju sa nevladinim i drugim organizacijama, koje na principima savremeno, stručnog rada, socijalnog rada uz angažovanost potrebnih profila stručnjaka, organizira, supervizira i provodi ciljeve socijalne zaštite u Kantonu Sarajevo.

Član 4.

(Šifra djelatnosti)

(1) Šifra djelatnosti Kantonalnog centra određena je prema Odluci o standardnoj klasifikaciji djelatnosti ("Službene novine Federacije BiH", broj 28/98, 36/98 i 47/98) i glasi:

(2) 85.323 Ostale djelatnosti socijalne zaštite, bez smještaja.